



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e-mail: info@voda.ba

Broj: **UP-1/21-3-40-136-8/23**
Datum: **18.09.2023. godine**

«Agencija za vodno područje rijeke Save» Sarajevo rješavajući po zahtjevu pravnog lica «HOLZ-BLAŽ» d.o.o. Vitez za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada proizvodnog kompleksa za preradu drveta u naselju Stara Bila, općina Vitez, na osnovu člana 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, i 48/99 i 61/22), donosi

R J E Š E N J E **o vodnoj dozvoli**

1. Pravnom licu, «HOLZ-BLAŽ» d.o.o. Vitez daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada proizvodnog kompleksa za preradu drveta izgrađenog u naselju Stara Bila na zemljištu označenom kao k.č. broj: 2063/1 K.O. Vitez, općina Vitez.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz sljedeće uslove:
 - 2.1. Da se upotreba i korištenje predmetnog proizvodnog kompleksa za preradu drveta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se u roku važenja ovog Rješenja izvrši razdvajanje tehnoloških otpadnih voda - kondenzata nastalog u procesu parenja drveta od oborinskih voda sa platoa kompleksa. Kondenzat iz parionice mora se prikupljati u posebnom vodonepropusnom oknu bez preliva. Vodonepropusno okno zaštititi od uticaja atmosferskih voda u cilju prevencije nekontroliranog izlivanja sadržaja na okolni teren. Čišćenje i pražnjenje okna u koji se prikuplja kondenzat iz parionice može vršiti isključivo firma ovlaštena za tu vrstu djelatnosti, prema posebnom ugovoru.
 - 2.3. Da se prikupljanje i privremeno skladištenje piljevine i otpadaka od drveta iz procesa prerade vrši na način da se onemogući njegovo rasipanje po okolnom terenu.
 - 2.4. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa čvrstim opasnim i neopasnim otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 2.5. Piljevina, drveni otpad kao i ostali otpad koji nastaje na predmetnom lokalitetu ne smije se odlagati na česticu «vodno dobro», odnosno u vodotok i na njegove obale.
 - 2.6. Vlasnik odnosno korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisane evidencije te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda (tačka 25. tabele) te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.

5. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ukoliko prilikom upotrebe predmetnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
9. U ovoj upravnoj stvari plaćene su sve upravne takse.
10. Ova vodna dozvola, shodno članu 117. stav (1) i članu 129. Zakona o vodama se daje sa rokom važenja od 1 (jedne) godine od dana pravosnažnosti ovog rješenja.
11. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice «HOLZ-BLAŽ» d.o.o. Vitez obratilo se ovoj Agenciji dana 03.04.2023. godine sa zahtjevom za donošenje rješenja o vodnoj dozvoli za proizvodni kompleks za preradu drveta izgrađen u naselju Stara Bila, na zemljištu označenom kao k.č. broj: 2063/1 K.O. Vitez, općina Vitez.

Uz zahtjev nije dostavljena dokumentacija koja je propisana članom 12. i 19. stav (2) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22) te je dopisom broj: UP-1/21-3-40-136-2/23 od 11.05.2023. godine, zatražena dopuna dokumentacije neophodne za vođenje upravnog postupka od strane ove Agencije., te Urgencija broj: UP-1/21-3-40-136-3/23 od 03.07.2023. Investitor je dopunio zahtjev u traženom roku.

U provedenom postupku dostavljena je i pregledana sljedeća dokumentacija:

- Aktuelni izvod iz sudskog registra broj: 051-0-RegZ-22-001199 od 22.08.2022. izdatog od Općinskog suda u Travniku,
- Ovjerena kopija uvjerenja o registraciji/upisu u Jedinstveni registar obveznika neizravnih poreza broj: 04/1-17-1-UPJR/1-7729-2/13 od 22.10.2013. godine, izdatog od Uprave za indirektno-neizravno oporezivanje Banja Luka,
- Dokaz o uplaćenju upravnoj taksi,
- Ovjerena kopija Rješenja kojim se odobrava obavljanje djelatnosti rezanja drveta, broj: 03-18-812/16 od 17.05.2016. izdatog od Ministarstva privrede Srednjobosanskog kantona,
- Kopija Rješenja o vodnoj dozvoli broj: 06-21-8960/2020 od 12.02.2021. godine izdatog od Ministarstva poljoprivrede, vodoprivrede i šumarstva Srednjobosanskog kantona/Kantona središnja Bosna,
- Kopija Rješenja o vodnoj dozvoli broj: UP-1/21-3-40-072-4/22 od 28.03.2022. godine izdatog od «Agencije za vodno područje rijeke Save» Sarajevo,
- Projekat izvedenog stanja vanjskih instalacija i pripadajućih objekata za prikupljanje i odvodnju otpadnih voda u proizvodnom kompleksu za preradu drveta HOLZ-BLAŽ d.o.o. Vitez, juli 2023. godine, urađen od «ES HYDROTECHNICS» d.o.o. Sarajevo (na uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-136-7/23 od 07.09.2023. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Poslovni kompleks za primarnu i sekundarnu obradu drveta firme „HOLZ-BLAŽ“ d.o.o. Vitez izgrađen je u naselju Stara Bila, općina Vitez. U krugu predmetnog kompleksa smješteni su slijedeći objekti: pilanska hala, decimirnica, pilanska decimirnica, pariona, dvije sušare, oštriona, dva skladišta, nadstrešnica, kotlovnica, silos za piljevinu, otvoreno skladište oblovine, pralište oblovine, upravna zgrada i radno manipulativne površine. Kapacitet proizvodnje je 20-25 m³ oblovine dnevno.
- Za predmetni objekat ranije je od strane ove Agencije doneseno Rješenje o vodnoj dozvoli broj: UP-1/21-3-40-072-4/22 od 28.03.2022. godine pod određenim uslovima. Ispunjen je uslov 2.3. naveden u dispozitivu naprijed pomenutor Rješenja o vodnoj dozvoli, odnosno urađen je projekat izvedenog stanja vanjskih hidroinstalacija, dok uslov iz tačke 2.2. nije ispunjen (razdvajanje tehnoloških otpadnih voda i oborinskih voda sa platoa kompleksa)
- Piljevina nastala u postupku obrade drveta prikuplja se zatvorenim sistemom odsisa i odvodi u silos, a koristi se kao energent u postupku zagrijavanja kotlova u postupku parenja i sušenja drvene građe.
- Oborinske vode sa krovova objekata i radno-manipulativnih površina prikupljaju se sistemom slivnika i kanizacione mreže i odvođe u mjesnu kanalizaciju.
- Onečišćene otpadne vode od pranja balvana se dijelom slobodno slijevaju na okolni teren, a dijelom, gravitaciono prikupljaju u sabirni šaht.
- Tehnološke otpadne vode – kondenzat iz parionice prikuplja se u vodonepropusnom betonskom oknu sa prelivom u oborinsku kanalizaciju kompleksa.
- Za snabdjevanje vodom i ispuštanje sanitarno-fekalnih otpadnih voda podnosioc zahtjeva posjeduje Rješenje o vodnoj dozvoli izdato od strane nadležnog kantonalnog ministarstva.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog proizvodnog poslovnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, «HOLZ-BLAŽ» d.o.o. Vitez ispunio minimum uslova za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za preradu drveta izgrađenog u naselju Stara Bila, općina Vitez, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-136-6/23 od 25.08.2023. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 08/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte +ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Sanja Miličić, građ.ing.

Po ovlaštenju
Rukovodilac sektora za izdavanje vodnih akata



Haris Ališehović, dipl.ing.građ.

Dostaviti:

- «HOLZ-BLAŽ» d.o.o. Vitez
Stara Bila bb, 72250 Vitez
- AVP Sava, ISV-vodna knjiga
- Sektor 50
- ⓪ Sektor 40 – arhiva
- Oglasna ploča – AVP Sava